

ՏԱՍԵՐՈՐԴ ՓՈՔՐ ՎԱՐԴԱՐԱՆ

## Թույլ տվեք Աստծուն մուտք գործել ձեր կյանք

Հանուն ԵՍ ԵՄ ՈՐ ԵՄ, սուրբ Աստվածամայր, պաշտելի՛ Մայր Մարիամ, ծնկաչոր իջնում եմ քո առաջ:

Բառեր չեմ գտնում, որ արտահայտեմ իմ սրտի ողջ Մերը, որ տածում եմ առ քեզ:

Ընդունի՛ր իմ Մերն ու երախտագիտությունը: Քեզ հայտնի է, թե ինչն է ամենակարևորն այս պահին իմ հոգու աճի համար:

Ես խնդրում եմ քո օգնությունն ու օժանդակությունը:

Խնդրում եմ, օգնիր, որ օրվա ունայնության մեջ չմոռանամ մեր անմիջական հաղորդակցության այն խաղաղ թուփերը, որոնց մասին հիշում է իմ հոգին:

Թող քեզ հետ ունեցած իմ անխաղաղ կապը նեցուկ լինի ինձ կյանքում և օգնի, որ չմոռանամ այն Բարձրագույն Ուղու մասին, որով մտադիր եմ քայլել իմ կյանքում: Ամեն

Հանուն Հոր, Մոր, Որդու և Սուրբ Հոգու: Ամեն

1. ԵՍ ԵՄ Մայր Մարիամը: Ես այսօր խաղաղ գրույցի համար չեմ եկել: Ես վճռականորեն եմ տրամադրված և պատրաստ եմ լուրջ գրույցի, որն այժմ կկայանա: Ես կուզենայի ձեզ հետ գրուցել ձեր սպասավորության և ձեր պարտավորությունների մասին: Ձեզնից շատերը մարմնավորվելուց առաջ շատ պարտավորություններ են ստանձնել, որոնք կապված են աշխարհին մատուցվելիք իրենց սպասավորության հետ: Սակայն այժմ նրանք մոռացել են իրենց այդ պարտավորությունների մասին: Եվ դա շատ ցավալի է: Հատկապես ցավալի է դա այս պահին, երբ մոլորակի իրավիճակը շարունակում է բարդանալ. խավարը փակել է մարդկանց աչքերը և թույլ չի տալիս լիաթոք շնչել, մղվել դեպի վերածննդի լուսավոր ու բերկրալից էներգիաները:

Ցնձա՛, Սուրբ Կույսդ Աստվածամայր,

Բարեշնորհ Մարիամ,

Տերը Քեզ հետ է.

օրհնյալ ես Դու կանանց մեջ,

և օրհնյալ է պտուղը որովայնիդ,

քանզի ծնեցիր մեր հոգիների Փրկչին:

2. Խոսքս ամենից առաջ վերաբերում է իմ սիրելի Ռուսաստանի բնակիչներին: Բայց նաև պատրաստ եմ գրուցելու աշխարհով մեկ սփռված իմ սիրելի զավակներից շատերի հետ: Ես բերկրանք եմ զգում այնժամ, երբ մենք միասին համատեղում ենք մեր ջանքերը և համատեղ

աղոթում աշխարհի համար: Եվ տրտմությունն է ինձ պատում այնժամ, երբ աղոթողների շարքերը նոսրանում են և թուլանալով գլխարկությունները ձեզ կտրում են գլխավորից՝ ձեր աշխարհի ցանկացած բացասական ուժերի և դրսևորումների դեմ աղոթքային հակամարտության մեջ մտնելուց: Մենք մեր համատեղ աղոթքով ունակ ենք փոխելու ցանկացած երկրի ցանկացած իրադրություն: Մեր համատեղ աղոթքով կարող ենք կանխել ամենաձանր իրավիճակը և այն ուղղորդել դեպի թեյի թեյի ու բերկրալից Աստվածային հուն:

**Ցնձա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

3. Ես պատրաստ եմ ձեր աղոթքի պահին լինելու ձեզ հետ: Պատրաստ եմ միանալու այն մարդկանց, ովքեր իրենց աղոթքն անկեղծորեն ուղղում են ինձ և օգնություն խնդրում: Տերը ձեզ չտեսնված հնարավորություններ է տալիս: Տերը պատրաստ է մոտենալ ամեն մի նկրտում ունեցողի, ով անկեղծ աղոթում է: Եվ ես նույնպես Նրա հետ կլինեմ ձեզնից յուրաքանչյուրի կողքին: Ես անհամբեր սպասում եմ, թե երբ կգա ձեր անկեղծ աղոթքի պահը, որպեսզի գամ և ուժեղացնեմ այն: Երբեմն մոտենում եմ ձեզնից նրանց, ովքեր պարտավորություն են ստանձնել ամեն օր կարդալու իմ Վարդարանները: Բայց որքան մեծ է լինում իմ զարմանքն ու հիասթափությունը, երբ աղոթելու փոխարեն դուք խորասուզված եք լինում այնպիսի գործերի մեջ, որոնք ձեզ ավելի կարևոր են թվում: Ես գալիս եմ ձեր աղոթքի ճշգրիտ ժամին, որպեսզի ձեզ հետ աղոթելով ուժեղացնեմ այն: Բայց ես ձեզ տեղում չեմ գտնում: Դա շատ ցավալի է...

**Ցնձա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

4. Պաշտելիներս, մի՛ վշտացրեք ինձ ձեր անկայունությամբ ու ծուլությամբ: Հասկացե՛ք, այժմ միայն ձեր աղոթքները կարող են փրկել ու շտկել այն իրավիճակը, որը հաստատվել է Ռուսաստանում և աշխարհում: Միայն ձեր աղոթքներով դուք կարող եք կասեցնել ամենասահավորը... Ես խնդրում և աղաչում եմ ձեզ... Չէ՞ որ առանձնապես բարդ բան չէ, սիրելիներս, որ նույնիսկ այն դեպքում, երբ ժամանակ չունեք Վարդարան կարդալու, պազապես ձեր սրտի ամբողջ սիրով ձգտեք դեպի ինձ: Մեր հայացքները կհանդիպեն, և ես կհասկանամ, որ դուք հիշում եք ինձ, բայց հանգամանքները թույլ չեն տալիս, որ այդ օրն աղոթքին ժամանակ հատկացնեք: Այդ դեպքում ես կգամ հաջորդ օրը, և մենք միասին աղոթքային ջանքեր կգործադրենք հանուն Ընդհանուր Բարօրության:

**Ցնձա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

5. Մեր համատեղ աղոթքի ուժն այժմ գորեղացված է, ինչպես երբեք: Եվ ես վստահեցնում եմ ձեզ, որ մենք միասին կարող ենք ի չիք դարձնել անցյալում ու ներկայում մարդկանց գործած ոչ ճիշտ արարքների ամենասահավոր հետևանքները, եթե բացասական էներգիաներին հակադրենք մեր հավատն ու կուռ միասնությունը: Պատկերացրեք, թե այդ դեպքում ինչպիսի՞ հզոր աղոթքային ակիք է անցնում երկրի մի ծայրից մյուսը: Պատկերացրեք, թե աղոթողների ձայներն ինչպես են միայրուսվում և վերածվում մեկ միասնական ամպրոպային ձայնի: Եվ այդ ձայնը լսելի է լինում համայն մոլորակում:

**Ցնձա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

6. Մենք միասին կկարողանաք դիմակայել... Ահա ասում եմ ձեզ, որ իրավիճակն այնքան ծանր է, որ նույնիսկ դժվար է դրան հավատալը: Եվ միակ բանը, որ հիմա ես ձեզնից խնդրում եմ՝ ձեր աղոթքների էներգիան ինձ առաքելն է, որպեսզի կարողանամ այն տնօրինել իմ հայեցողությամբ: Վստահե՛ք ինձ ձեր աղոթքային ջանքերը: Ինձնից օգնություն խնդրեք, և ես իմ հրեշտակներին օգնության կուղարկեմ այն իրավիճակներում, որոնք անլուծելի են թվում:

**Ցնձա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

7. Պատկերացրեք այնպես, որ ես իմ հրեշտակների հետ մուտք եմ գործում ձեր իշխանական մարմինների պատերից ներս: Մեր ներկայությամբ մենք փոխում ենք իրադրությունը և ուժերի գերակշռություն ստեղծում որոշումներ ընդունելու ընթացքում: Կարող եք ինձ պատկերացնել ցանկացած բանակցությունների գործընթացում, որոնք կայանում են պետական մակարդակով. ասես բանակցությունների սեղանի մոտ ես էլ եմ նստած և վերահսկում եմ ձեր աշխարհում ընդունվող բոլոր այն որոշումները, որոնք վերաբերում են քաղաքականությանն ու տնտեսությանը, կրթությանն ու առողջապահությանը, մշակույթին և սոցիալական ապահովությանը: Ձեր տեսլականներն ու աղոթքներն ինձ և մյուս Համբարձյալ Վեհապետներին հնարավորություն կտան մասնակցելու ցանկացած պետական մակարդակով կայացվող

որոշումների ընդունմանը: Այսպիսի պարզ գործառնություններ կկարողանանք բեկում մտցնել ցանկացած իրավիճակում և դրա հանգուցալուծումն ուղղորդել դեպի Աստվածային հուն:

**Ցնծա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

8. Ես գիտեմ, որ հիմա շատ մարդիկ տառապում են ճնշվածությունից, և նրանցից շատերի սրտերին տիրել են վախն ու ասելությունը: Այդ ամենը, պաշտելիներս, տեղի է ունենում ձեր կյանքերում Աստծո անբավարար ներկայության պատճառով: Աստվածային էներգիան դուք ինքներդ եք արգելափակում և զանգվածային տեղեկատվության միջոցները, որոնք ձեզ խորասուզում են գիտակցության բացասական վիճակների մեջ: Միայն ձեր աղոթքներով ոգեկոչված Աստվածային էներգիայի հոսքերը կարող են մաքրել ձեր մարմինը, գիտակցությունն ու ենթագիտակցությունը և ձեզ ազատել վախից, ճնշվածությունից ու ասելությունից: Ձեր գիտակցության ցանկացած անորակ վիճակ կարելի է չեզոքացնել Աստվածային էներգիայով, որն ամեն օր կյանքի կկոչեք ձեր աղոթքների միջոցով:

**Ցնծա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

9. Ձեզնից յուրաքանչյուրի աղոթքի ժամին ես ձեզ հետ կլինեմ: Ես կգորեղացնեմ ձեր աղոթքի ուժը և կօգնեմ ձեզ: Բայց ես ձեզ համար ոչինչ չեմ կարող անել, եթե դուք ինձ չեք տալիս ո՛չ ձեր աղոթքի էներգիան, ո՛չ ձեր սիրտ էներգիան, որոնք կառաքելիք ինձ, եթե մտասնեռվելիք իմ պատկերի վրա: Ուստի ոչ ոքի մի մեղադրեք, եթե գիտակցության բացասական վիճակում եք հայտնվում, և եթե փորձանքներն ու դժբախտությունները թացացնում են ձեր աչքերը: Աստված այնքան ողորմած է, որ մի կանչը կամ բոցաշունչ աղոթքը կարող են բավարար լինել, որպեսզի փոխվի ցանկացած իրավիճակ: Ձեր բոլոր աղոթքներն ու կանչերը պետք է ի կատար ածեք միայն հանուն Աստծո: Մենք կարող ենք փոխել ցանկացած իրադրություն. և մենք դա կանենք... Աստվածային հրաշքը հենց ձեր կողքին է գտնվում: Եվ այն պատրաստ է երևալու, սակայն հրաշքի դրսևորման համար պետք է ամկա լինեն ձեր աղոթքների էներգիան և երջանկության, Բարիքին ու Բարուն հասնելու ձեր դրական ձգտումները:

**Ցնծա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց մեջ,**

**և օրհնյալ է պտուղը**

**որովայնիդ,**

**քանզի ծնեցիր մեր հոգիների Փրկչին:**

10. Դուք ստանում եք այն, ինչին ձգտում եք: Եվ եթե ամեն օր հայիոյանքներ եք տեղում անխտիր ամեն ինչի վրա՝ հայիոյում եք ձեր կառավարությանը, ձեր շրջապատում եղած բոլորին և նույնիսկ Աստծուն, ապա հազիվ թե դրական արդյունքի հասնեք, և հազիվ թե ձեր կյանքում երբևէ երջանիկ լինեք: Իսկ եթե անկախ ամեն ինչից ունակ եք հավատ ու սեր պահել ձեր սրտերում, եթե պատրաստ եք ինքներդ ձեզ և ձեր մերձավորներին պաշպանելու աղոթքով ու սիրով, ապա ամենավատ ու անդառնալի բաները կշրջանցեն ձեզ ու ձեր մերձավորներին: Իսկ եթե տարեցտարի ավելի ու ավելի շատանա այն մարդկանց քանակը, որոնց համար առաջին տեղում Աստված է և Նրա Օրենքը, ապա ոչ մի դժվարություն, ոչ մի արհավիրք ու ճգնաժամ չի սպառնա ձեր երկրին ու դրա մարդկանց: Դուք տեսնում եք, որ Աստված մշտապես հոգում է ձեր մասին: Թույլ տվեք Աստծուն մուտք գործել ձեր կյանք: ԵՍ ԵՍ Մայր Մարիամը

**Յնձա՛, Սուրբ Կույսդ Աստվածամայր,**

**Բարեշնորհ Մարիամ,**

**Տերը Քեզ հետ է.**

**օրհնյալ ես Դու կանանց**

**մեջ,**

**և օրհնյալ է պտուղը որովայնիդ,**

**քանզի ծնեցիր մեր հոգիների Փրկչին:**

**Փառք Հորը և Որդուն և Սուրբ Հոգուն և Աստվածամորը,**

**այժմ և միշտ հավիտյանս: Ամեն**

**Հանուն Հոր, Մոր, Որդու և Սուրբ Հոգու:**

**Ամեն**